

| | | | |
|-----------------------|---------|--------|------------|
| PRIMLJENO: 03-02-2025 | | | |
| Org. jed. | Broj | Prilog | Vrijednost |
| | 01-4-3- | 203- | 15/25 |

UNIVERZITET U SARAJEVU

STOMATOLOŠKI FAKULTET SA STOMATOLOŠKIM KLINIČKIM CENTROM

NAUČNO- NASTAVNOM VIJEĆU

STOMATOLOŠKOG FAKULTETA SA STOMATOLOŠKIM KLINIČKIM CENTROM

Predmet: Izvještaj Komisije za izbor jednog saradnika u zvanje asistenta za nastavno - naučnu oblast Stomatološka protetika sa dentalnom implantologijom po Konkursu raspisanom dana 24.12.2024. godine u dnevnom listu „Dnevni avaz” i na web stranici Univerziteta u Sarajevu i Stomatološkog fakulteta sa stomatološkim kliničkim centrom.

Na osnovu odredaba Zakona o visokom obrazovanju Kantona Sarajevo (Službene novine Kantona Sarajevo, broj:36/22), Saglasnosti Senata Univerziteta u Sarajevu broj: 01-6-44/24 od 27.11.2024. godine i Konkursa objavljenog u dnevnom listu „Dnevni avaz” i web stranici Univerziteta u Sarajevu i Stomatološkog fakulteta sa stomatološkim kliničkim centrom www.sf.unsa.ba dana 24.12.2024. godine, na sjednici Nastavno - naučnog vijeća Stomatološkog fakulteta sa stomatološkim kliničkim centrom održanoj dana 14.01.2024. godine, donesena je Odluka broj: 01-4-2-4-3/2024 o imenovanju Komisije za pripremanje prijedloga za izbor jednog saradnika u zvanje asistenta za nastavno - naučnu oblast Stomatološka protetika sa dentalnom implantologijom, u sastavu:

- Dr Selma Tosum Pošković, redovni profesor, naučna oblast Stomatološka protetika sa dentalnom implantologijom, Univerzitet u Sarajevu - Stomatološki fakultet sa stomatološkim kliničkim centrom, predsjednik
- Dr Lejla Kazazić, redovni profesor, naučna oblast Stomatološka protetika sa dentalnom implantologijom, Univerzitet u Sarajevu - Stomatološki fakultet sa stomatološkim kliničkim centrom, član
- Dr Sanela Strujić - Porović, vanredni profesor, naučna oblast Stomatološka protetika sa dentalnom implantologijom, Univerzitet u Sarajevu - Stomatološki fakultet sa stomatološkim kliničkim centrom, član

U skladu sa navedenim Komisija podnosi sljedeći:

IZVJEŠTAJ

Komisiji su od strane stručne službe dostavljene prijave (zatvorene koverta) iz kojih proizilazi da se na konkurs prijavilo 8 (osam) kandidata.

Komisija je na sastanku dana, 17.01.2025. godine otvorila pristigle prijave i zapisnički utvrdila da je ukupno prijavljeno 8 (osam) kandidata. Komisija konstatuje da su sve prijave blagovremeno pristigle.

Na osnovu pristiglih prijava Komisija je utvrdila da su se na objavljeni konkurs prijavili sljedeći kandidati:

1. Haris Isaković
2. Aida Hambo
3. Katarina Palac
4. Amina Aliefendić Husić
5. Amar Hajradinović
6. Emina Orhanović
7. Dženita Lapandić
8. Dea Krstičević

Od ukupno prijavljenih 8 (osam) kandidata, 6 (šest) kandidata ispunjava zakonom propisane uslove, a to su: Haris Isaković, Aida Hambo, Katarina Palac, Amina Aliefendić Husić, Amar Hajradinović i Dženita Lapandić. Dva kandidata imaju nepotpunu dokumentaciju, a to su kandidatkinja Emine Orhanović koja nije priložila Diplomu o stečenoj akademskoj tituli i zvanju, i kandidatkinja Dea Krstičević koja nije priložila svojeručno potpisanu prijavu i uvjerenje o položenim ispitima (dokaz o prosjeku ocjena položenih ispita).

U pogledu uslova konkursa utvrđeno je da 6 (šest) kandidata ispunjava zakonske uslove za izbor saradnika u zvanje asistenta prema članu 112. Zakona o visokom obrazovanju Kantona Sarajevo (Sl.novine Kantona Sarajevo, broj 36/22).

Potvrda Broj: 01-4-3-203 -13/2024 od 17.01.2025. godine je sastavni dio ovog izvještaja.

Komisija se u pisanju Izvještaja vodila priloženim dokazima, koji se nalaze u spisu kandidata kao i sa informacijama dobivenim nakon obavljenog razgovora sa kandidatima koji ispunjavaju zakonom propisane uslove. Na osnovu detaljne i cjelokupne analize, cijeneći sve relevantne podatke, Komisija dostavlja svoje mišljenje i prijedlog za izbor jednog (1) saradnika u zvanje asistenta za nastavno naučnu oblast Stomatološka protetika sa dentalnom implantologijom.

MIŠLJENJE I PRIJEDLOG KOMISIJE

Na osnovu uvida u priloženu dokumentaciju i cijeneći sve relevantne podatke Komisija konstatuje sljedeće:

Dr. **Katarina Palac** se prijavila na konkurs dana 03.01.2025. godine.

Dr. Katarina Palac rođena je 07.07.1999. godine u Splitu, Republika Hrvatska. Stomatološki fakultet završila je u Zagrebu 2024. godine.

Uvidom u priloženu dokumentaciju Komisija konstatuje da Dr. Katarina Palac ima srednji prosjek ocjena 4.219, dok iz matičnih predmeta ima prosjek ocjena 4.5 . Plan i program Sveučilišnog integriranog prijediplomskog i diplomskog studija Dentalne medicine ima dvanaest predmeta iz ove naučne oblasti. Ocjene iz matičnih predmeta su sljedeće: Dentalni materijali 4, Pretklinička i laboratorijska fiksna protetika 5, Pretklinička i laboratorijska mobilna protetika 3, Fiksna protetika I 3, Mobilna protetika I 5, Fiksna protetika II 5, Mobilna protetika II 5, Periimplantne bolesti 5, Okluzija 4, Temporomandibularni poremećaji – dijagnostika i terapija 5, Klinička digitalna komunikacija s dentalnim laboratorijem 5 i Dentalna medicina v.2.0: digitalne tehnologije 5.

Kandidatkinja je odabrala i temu diplomskog rada iz ove naučne oblasti pod naslovom “Predprotetski dijagnostički i terapijski postupci u fiksnoj protetici” što pokazuje njen interes za užu naučnu oblast Stomatološka protetika sa dentalnom implantologijom.

Dr. Katarina Palac je ostavila izuzetan utisak elokventnim izlaganjem, motivacijom i spremnošću za obavljanje svih poslova asistenta. Kandidatkinja ima sposobnost analitičkog pristupa problemu, kritičkog rasuđivanja kao i izuzetne komunikacijske vještine i vještine prezentiranja. Tokom razgovora jasno je naglasila zainteresovanost za ovu oblast i motivaciju za rad sa studentima. Analizom svega navedenog Komisija konstatuje da kandidatkinja ima kapacitet za dalje akademsko napredovanje i da će moći odgovoriti zahtjevnim obavezama i ispuniti očekivanja koja se postavljaju pred asistenta iz uže naučne oblasti Stomatološka protetika sa dentalnom implantologijom.


Na osnovu svega navedenog Komisija jednoglasno konstatuje da Dr. Katarina Palac ispunjava sve uslove za izbor asistenta za užu nastavno - naučnu oblast Stomatološka protetika sa dentalnom implantologijom u skladu sa članom 112. Zakona o visokom obrazovanju (Sl. novine Kantona Sarajevo, broj:36/22).

Komisija predlaže Nastavno - naučnom vijeću Stomatološkog fakulteta sa stomatološkim kliničkim centrom da usvoji izvještaj za izbor jednog saradnika Dr. Katarinu Palac u zvanje asistenta za nastavno - naučnu oblast Stomatološka protetika sa dentalnom implantologijom.


Komisija:



Prof.dr.sc. Selma Tosum Pošković, predsjednik Komisije



Prof.dr.sc. Lejla Kazazić, član



V. Prof.dr.sc. Sanela Strujić - Porović, član